

Покаянный акафист Пресвятой Богородице

Кондак 1

Избранной Небесным Царем, превысшей и умных чинов, всеблагой Царице, рода христианскаго Заступнице и от всех зол и напастей скорому вспоможению, вси мы, грешнии и в безмерных бедах сущии раби Ея, со слезами и умилением сердца, принесем покаянные пения: Ты же, яко премилосердная Мати наша, сама духоносному молению настави нас и прияти сия въздыхания души нашея удостой: о Благодатная, помилуй нас и спаси, и пачесолнечною теплотою любви Твоея грехми умерщвленный наш дух оживи. Тьма неверия и в сне глубоче запустение жизни богоподобные обьяша до конца предавшийся тлению род человеческий, и в неисходных пленицах падений греховных оковал все ны светоненавистник и древний убийца-диавол, князь мира сего. Но и врагами соделавшихся, не престала любити людей своих благодать Творца, нас спасающего, и Тобою, о Пренепорочная дочь Давидова, обетовал Он изначала даровати погибшим Семя жены Христа Еммануила. Се и мы ныне, аще и ослепихом очеса наша маловерием и ужасаемся глубины неотмытных беззаконий своих, но от Тебе, о Мати Света, чаем спасения, и не ищуще самооправдания во гресех неисчетных, Тебе надеждою непозыблемою к себе зовем: о Благодатная. на помощь к нам поспеши, — Царице Небесная, из бездны падений нас исхити, о Благодатная, лучами света горняго всеобдержавший мрак жития нашего озари, — Дево Пречистая, сиянием чистоты Твоея грехми потемневшие наша сердца освети, о Благодатная, бежати льщений лжи и греха Ты нас научи — Матерь Святейшая, любовь и верность правде в души наша вложи. О Благодатная, помилуй нас и спаси, и пачесолнечною теплотою любви Твоея грехми умерщвленный наш дух оживи ¹.

Кондак 2

Оставивше двор отчий и, яко блудный сын, на страну далече отышедше, во мрак язычества, тину страстей и сень смертную впадоша вси сыны Сифовы, и ни царь и ни пророк, ни ангел и ни мудрец, но точию Божественный Сын Твой, о Благодатная Марие, возможе их к свету боговедения принести и вся силы, яже к животу и благочестию, даровати, да умиление, спасение обретши, Творцу и избавителю своему поем: Аллилуиа.

Икос 2

Шаташася всеу языцы и людие заблудшии поучахося тщетным,

¹ Можно петь: о Благодатная, Ты нас спаси и любовь Твоею утоли нашу печаль.

понеже забвено бысть чистое предание сынов Божиих, и сеть многобожия привлече осутившиеся народы в кумиролужение лжи и истаявание вредоносных похотей и скверны угождения грехолюбивой плоти. Егда же предста Тебе, вещати дивная, воинств ангельских вождь — Гавриил, разгнася Светом Востока идольской лести ночная тьма, и начаток явися во Христе Иисусе всякия плоти конечнаго исцеления. Темже и мы умиленным сердцем, главизну спасения видяще, со Архангелом в благоговении Тебе взываем: о Благодатная, всегда с Тобою Бог и Господь, — Дево Богородице, спасение Той и нам в Тебе соделала, о Благодатная, коль благословен во истину пречистаго чрева Твоего Божественный Плод, — святая святых Святейшая, в Тебе вместися Невместимый и небом, не точию брэнною землей, о Благодатная, колище величие сотвори Тебе Царь и Господь, — Мать Безневестная, любви безконечной и нам осияя животворящий свет. О, Благодатная, помилуй нас и спаси, и паче солнечною теплотою любви Твоя грехми умерщвленный наш дух оживи.

Кондак 3

Новую тварь созидати и людей Своих во еже не земная, но горняя мудровати привести, сниде с небесе во юдоль земную Человеколюбец Господь, от Негоже и поднесь устрояется Царствие Божие на земли и претворяет собою, якоже квас добрый, да вскисает все многоразличное смешение человеческое. Мы же, единое стадо Христово возлюбивше и крепце во дворе Его присно сердцем утверждающесе, единодушно, и в падениях наших всяпобеждающему, Владыце жизни нашей поем: Аллилуиа.

Икос 3

Горний Иерусалим всегда осияя и всеоживляющей Благодатию Святаго Духа утешая прославленных Своих, яви Господь и в мире земном жизнь и силу Царствия Своего, и уже не юдолию плача и слез, но мира всеутоляющаго и радости нескончаемая, ея же никтоже не может отъяти, предстоит всем верным небошественный путь странствия нашего во временном сем бытии. На него же взирающе, и мы недостойнии и ливии, к сему блаженству призвании, но изменою безверия и пустотою миролюбления себе из него извергшии, от Тебе, о Богомати, помощи и спасения себе чаем и слезами раскаяния и сердечного обращения от гибели сия вопием: о Благодатная, Ты нас исцели, — Мати милосердная, прощение Божие нам испроси, о Благодатная, к жизни в Сыне Твоем возврати. Небесный Покрове наш, током благодати, сущей в Тебе, изсохшее сердце в нас ороси, о Благодатная, не любити мира и злых, яже в мире, нас научи, — Дево Пречистая, влечения сердца нашего к чистой

любви Христовой устреми. О, Благодатная, помилуй нас и спаси, и пачесолнечною теплотою любви Твоея грехми умерщвленной наш дух оживи.

Кондак 4

Небошественнаго пути златыя правила имуще и мало избранных, в сих подвизающихся, повсюду присно видяще, в Тебе, на высшую степень богоподобия восшедшей, образ небесной мудрости и в Бозе вечнаго созидания обретаем и Тобою преизлиха утешаемся, ибо наипаче пред всеми слагала еси в чистейшем сердце Твоем вся словеса деяний и учений Воплотившейся премудрости — Сына Твоего: от-нюдуже приискренне о всех сих умиляющиеся и дивная духа в Тебе созерцающе, толико прославльшемуся во святых Своих, похвально вси воспеваем: Аллилуиа.

Икос 4

Внутрь нас, якоже речет Господь, — в сердце человека, его просветлении, новой жизни и горе устремлениях, есть Царствие Божие, еже именуется правда и мир и радость о Дусе Святе, и красотою благоустроения души во избранных Божиих огнезрачне сияет нам. И сие совестью ведуще и духом ищуще, дела же студными и окаянством беззаконий своих вспять — во страну самоистуканных страстей — от-торгающесе, Тебе, во избранных избранную, восполнити и утолити наше обнищание просим и скорбными вздыханиями сердца сыновне умоляем сице, о Благостная, приблизитесь к Тебе помози, — сил Повелительнице, о Бозе возмогати нас укрепи, о Благодатная, сею благодатию, в Тебе преизбыточествующею, оскудевающая сердца наша напой, — во блазе Помощнице цветы доброделания в пустынные наши души всади, о Благодатная, достигати Царствия Сына Твоего подвигни нас и усоверши, — непорочности Вечне, духовные блага ценити и искати научи: О, Благодатная, помилуй нас и спаси, и пачесолнечною теплотою любви Твоея грехми умерщвленный наш дух оживи.

Кондак 5

Яко пшеница добрая на ниве, вырастает и красы плодит и зреет незримо на сердце человека Царствие Божие, и сторицею выращает Отец щедрот семя словес Его, аще почвою доброю, углубленною и потом усердия возделанною приемлет сие сердце наше. И сия вся добре ведуще и радостне созерцающе прославляем Единого Виновника всяческого доброделания — Тебе, Отца светов, от Негоже исходит всякое даяние благо и всяк дар совершен: Аллилуиа.

Икос 5

«Блаженни слышащие слово Божие и хранящие его», ибо ни в сем веле, ни в будущем не отнимется от них сия благая часть, и соблюдоше ю в добром и чистом сердце своем, всегда приносят они в терпении обильный плод свой, радуясь. Ибо и братом, и сестрой, и даже материею Своею удостоил наименовать их Господь, аще исполнят они волю Отца Его, Иже на небесех. Воистину, сице еще и духом и всею жизнью соделалася Ты, о Пресвятая Дево, Материю Господа Твоего, Егоже Пречистая Плоть исткася от Твоих честных кровей: ибо паче всех соблюла еси Божественное слово Его и к небесем со славою восшла еси, сотвориши волю Отца Небеснаго. Мы же вси, умом и сердцем сведуще сия солнцем блистающия доброты Твоя, и радостию прославляюще во Успении Твоем к небеси возвышение рода человеческого, благоговейными усты согласно поем божественныя величия Твоя: о Благодатная, яко Мати Владыки, восцарившаяся на небеси, — Венче, Превысший всякого создания, и нас, скорбных и убогих, не оставляющая на земли: о Благодатная, на камени исполнения заповедей нас утверди, — Возлюбленная Богом и лики ангельскими, и наша замкнувшиися и в могилу себялюбия погребльшиися сердца от-верзи к любви, о Благодатная, из душевной темницы гордыни, уныния и плотских похотей вся ны изведи, — Царице Небесная, к Божию роду и нас, страстьми оземляневших, сопричти и подними. О, Благодатная, помилуй нас и спаси, и паче солнечною теплотою любви Твоя грехми умерщвленный наш дух оживи.

Кондак 6

«Иже несть со Мною, на Мя есть, и иже не со Мною собирает, — расточает», рече Своим верным Ипостасная Премудрость, Христос Господь, презирая в глубине веков всепроницающим Оком Своим и сего дне, объюродевших без Христа мудрецов, на песце зиждемая строения. Ихже шатания видяще и в познании правды христианского благочестия паче утверждающесея, проникновенным сердцем и усты воспеваем мы Единому краугольному Каменю небесных и земных созиданий, Владыце Христу: Аллилуиа.

Икос 6

Путь и жизнь и истину прият род человеческий во Христе, и победа, ею же Он победи мир, соделася достоянием всех верных Его — добрых делателей зде виноградника Божия. Ибо не точию залог блаженства века грядущаго Владыка дарует им, но в доброй совести каждаго во благо устрояется всяческое и земное делание их, и в правде создается взаимное служение братьев, любовь и миром побеждающее вражду и разделения в людех, наипаче же от рабства и

тьмы заблуждений свободит сей верный раб земное житие свое. Обаче — увы нам, в лености и небрежении и слепоте безумно иждивающим, неисчетною ценою дарованное, премирное сокровище светозарная веры Христовой! Ибо и плен, и узы, и ослепления свои — в свободы место возлюбили самопрельщенне все мы, свет заповедей Царя своего забыв до конца и самохотне предавшеся соблазнам и обманам многим в сии лукавые дни, яко и вся добрая, отцы преданная, правила паче расточате, в небрежении своем без Христа и света веры устроая свою жизнь. Сего ради Тебе, яко стену веры и жизни христианския, никоими же злыми рушиму, добре ведущии и Единую Надежду себе имущии, из бездны отчаяния умоляем и вопием: о Благодатная, Сама сущи во истине, ко истине и нас приведи, — Милостивая изнемогшим Помощнице, победителями греха молящихся Тебе сотвори, о Благодатная, еже видети и ненавидети злой плен свой наш ум озари, — мудрости горней сокровище, красная жизни вечная очесам сердца яви, о Благодатная, соблазнов прельщение от нас отжени, — правды Христовой Свет немерцающий, развевати, яко пыль плевельную. Лукавые ухищрения вся ны умудри. О, Благодатная, помилуй нас и спаси, и паче солнечною теплотою любви Твоя грехми умерщвленный наш дух оживи.

Кондак 7

Дево Пренепорочная, Жизнь миру родившая, приобщитися и нас, недостойных, сея истинная Жизни в Сыне Твоем призиви и лику избранных Его сопричти, и якоже Сама от дольных земли к горним восшедшая, и наши одевевшие взоры горе устреми и духовная зрети научи, во глубинах души наша всецелую преданность Богу, яко Отцу любви, возбуди, да приискренне славословим Его, вкупе, во имя Его, сошедшеся: Аллилуиа.

Икос 7

Коль светла и благодатна, коль сладка и радостна жизнь богоизбранных во Христе, коль дивные знамения силы и любви являет в покое их сердца Сладчайший Спаситель наш, Господь Иисус! Тако и во всех тяготах и обременении и скорби душевной к Себе зовет нас Его бесконечная Любовь, — да возьмем Его иго на себя и да образ кротости и смирения Спаса своего в сердце своем воспримем мы. И благо Его иго, и бремя Его поистине легко, всякую тугу сердечную облегчая во утешение нам и отрадой мира неотъемлемого преобразуя сию скорбную жизнь. Обаче всех сих благих и развращенных и стропотных греха лишившихся, тлю же похотей и зависти, и злобы, и уныния, и иная вся плевельная в сердце сгяжавшии, прегорце во всех сих осуждаем себе и стяжаше, в по-

каянии нелицемерном к Тебе единой очи свои возводим и сыновне зовем: о Благодатная, прости нас, прости, — дверь милосердия нам отверзше, люди своя воззови, о Благодатная, благое иго Христово желати нас научи, Небесный образе смирения, сие с кротостию и в наше сердце вложи, о Благодатная, мир в наши души, мир и с ближними нам ниспосли, — мира и любви Владычице, все житие страждущего народа Твоего умири и в покаяние возраждающее приведи. О, Благодатная, помилуй нас и спаси, и паче солнечною теплотою любви Твоя грехми умерщвленный наш дух озари.

Кондак 8

Бисер многоценный и почесть наивысшаго в мире сем знания даровася нам Отцем светов и Источником щедрот, яко сынам Святыя Его, Единыя Православныя Церкви, яже есть столп и утверждение истины. Мы же, аще по достоянию ценити сего не навикше и деяньми сквернаго грехолюбия всечастно сим изменяюще, — обаче о таковом царском звании своем умиленным благодарением Призвавшему нас — Владыце неба и земли — поем: Аллилуиа.

Икос 8

«О роде неверный и развращенный. Доколе Я с вами, доколе терплю вас», — возгласил и в долготерпении Своем Господь, — о тех, иже в безверии и притворстве, еще же в лености и пустоте сердца и в сквернах греховных, приступали к нему, и тьма суще, к Свету Чистейшему приобщали себя. Но се и мы, аще и христиане именуемии, такожде мучим и распинаем Спасшего нас, ибо злобою многою и ожесточением, и изменами неверия, и язвами всесожигающих страстей по вся дни уязвляем Его, и не могуще от хладности и небрежения, и от лени своя, в покаяние и исправление приити, паче и паче движем на себя праведный гнев Судии. Ты же, Единое Упование наше, благода-тию вся могущи, — можеши и сия неисцельные недуги уврачевати нам и праведне на ны движимый гнев Божий Твоим предстательством и молитвами утолити и отвести. Сего ради всем усердием, всею любовию своею и из глубины сердца воздыханьми к Тебе припадаем и вопием: о Благодатная, помози нам, о помощи, — Матерь Милосердная, из мерзкой тины грехов изыми, о Благодатная, елеем любви Твоей одеревеневшее сердце наше смягчи, — всех нас возлюбившая, лучами доброт Твоих оледенение лености нашей и самохотных вожделений в нашей душе растопи, о Благодатная, в веру, в жизнь духа призови нас и введи — Дево Пречистая, сердцем коснутися святости и любви Христовой нас подыми. О, Благодатная, помилуй нас и прости, и паче солнечною теплотою любви Твоя грехми умерщвленный наш дух оживи.

Кондак 9

Сотвори Тебе величие Сильный, яко возлюбленной Матери Божественного Сына Своего, яко Святейшей из святых, Честнейшей Херувим и Славнейшей без сравнения Серафим. Обаче и Тебе путем крестным идти к славе указала Отчая Любовь, егда устами Симеона предтече, яко оружие пройдет сквозь матернски скорбящее сердце Твое. Мы же, яко во спасение наше все сие будет, ведущи, и безмерности Божественной благодати к нам грешным постигнути не могуши, благодарне песнь хваления возносим Ему: Аллилуиа.

Икос 9

Огненную цепь лютых мучений, и наипаче позорного пригвождения ко кресту, претерпе пред очима Твоима Божественный Сын, до конца покорною Отцу волею испив чашу, все грехи мира омывающих, страданий Своих. И то зряще и сердцем с Сыном распинающихся, до конца испила и Ты чашу сию, изболевшим сердцем Своим усыновив Себе во Христе всех страждущих и озлобляемых, кои изнемогают под бременем жизненного креста своего. Сего ради и мы во всех печалях и тесных обстояниях своих, к Тебе, яко Матери состраждущей всем скорбным и угнетенным, прибегаем и в горестях и напастях дней сих, Тебе с надеждою крепкою зовем: о Благодатная, Ты нас заступи, — Любовью пламенеющая, болезни лютыя многовоздыхающая души моя утоли, о Благодатная, терпением в скорбях наших усоверши, — Благословенная Богородице, силу поборати искушения в нас утверди, о Благодатная, от злых обстояний нас свободи, — Матерь Всеблагая, Твою силу — всепобеждающую и врагов правды разящую — народу маловерному ныне яви. О, Благодатная, помилуй нас и спаси, и паче солнечную теплотою любви Твоя грехми умерщвленный наш дух оживи.

Кондак 10

Искони видеша народи христианстии Твое, о Крепкая Охрано бедствующих и погубляемых, неусыпное о них попечение, ея же ради вины и прославиша Тя вси и из рода в род свидетельствоваша о дивных чудесах, всюду поборающей о верных и на всякую усердную мольбу поспешающей, всеильной помощи Твоей, и тако благодарственне пели и поют из края в край о Тебе песнь хвалебную Богу: Аллилуиа.

Икос 10

Велие чудо сотвори Господь Твоего ради, о Матерь Божия,

всемощнаго об отцех наших ходатайства. Егда бо великий ненавистник рода христианского и лютый мучитель Темираксак хвалишеся всю Российскую землю положить в запустение и искоренити христианскую веру, к Тебе возопиша людие Твои о спасении и в покаянии и слезах многих притекоша к святей Владимирстей иконе Твоей. И бежа тогда нечестивый, ибо в сонме святых узре той Тебе, яко Царицу, во славе неизреченной, молниезрчными лучами паче солнца осияваемую и ему отъити от предел нашея страны грозно претящу, о верных же Своих, руками простертыма, к Сыну Своему молящуюся. Мы же, верою несомненную великое море чудес Твоих воспоминающе, и все чаяние свое на Тя возложше, от моря злых устремлений, и в нас самих и окрест нас ополчившихся, и ныне оградити народ наш умоляем и в рыданиях многих поем: о Благодатная, на ны належащую грозу отжени, — Мати Благая, покрывши любовью, расслабление наше удали и прости, о Благодатная, силу и лепоту Православия миру яви, — веры Хранительнице, и нас убогих достойными ея сотвори, о Благодатная, солнца превысшую славу Твою нашему сердцу открий, — Ты, Мать Света, тьму належащую с наших очес разжени. О, Благодатная, помилуй нас и спаси, и паче солнечною теплотою любви Твоея грехми умерщвленный наш дух оживи.

Кондак 11

Многажды и отцы наши ослабеваху в добром христианском житии своем, и темнотою и невежеством, пороки и неправдами, такожде и братоненавидением и обидами слабому, в тину студодеяния себе погружаху. Обаче, и падающе глубоце, не к ином кумирам, но к Единому Богу — Спасителю своему прибегаху, и горняя возлюбив, покаянием же слезным к Тебе, Заступнице Усердной, очи свои возводяще, не преставаху пред святыми Твоими иконами пети: Аллилуиа.

Икос 11

Разоряшеся некогда страна Русская лихолетием, егда смуты и безначалие, татьбы и обманы, убийства и кровопролития, и злоба многая обуяша люди православные, и измалодушествовалися вси, себе погубляюще, еще и тяжкому врагов иноверных и жестоких нашествию предаде я Господь. И кто же бы спас тогда изнемогших и яко листвия разсыпавшихся, и уже в бездну отчаяния пришедших отцев наших, аще не Ты, о Всеблагая, умилосердилась о них, Еяже предстательством, яко же поведает святой угодник Божий и молитвенник за ны, Сергий, суд об отечестве нашем на милость преложил Владыка Христос. Та вся воспоминающе и большая сих зол во дни

наша видяще, и яко в волнах морских погибающеи, и мы Тебе громце зовем: о Благодатная, злобе врагов лютых одолеть нас немощных не попусти, — мира Владычице, вспять козни губительныя их обрати, о Благодатная, Судию Праведнаго о нас умоли, — Кротости Величие, тишину мира и любви в народе Твоем утверди. О, Благодатная, помилуй нас и спаси, и па-чесолнечною теплотою любви Твоея грехми умерщвленный наш дух оживи.

Кондак 12

Излияся благодать, во апостоле языков сущая, на вся верующая, яко и на недужныя наносиша от пота тела его главоотяжи и убрусцы, и тии исцеляхуся от недуг своих, такожде гонимии силою Божиюю, бежаху и духи нечистии из них. Изливаеши и Ты, Преизбыточествующая благодатию, сию от полноты Твоея во святые иконы Твоя, яже избираеши в знамения от Твоея любви помощи верным, надеющимся на Тя, да поем, радостию торжествующе о сих явлениях силы Твоей, вси Прославльшему яко Царицу, Тебе: Аллилуиа.

Икос 12

Многое множество милости Своя явила еси, Богородице, православным людем Твоим, наипаче же во святых написаниях Пречистаго Лица Твоего. Ибо и сия дивная знамения во множестве явишася в наши дни, ихже не знаша отцы наши и ни единый народ на земли, яко единою точию благодатною силою Твоею, яве же и совершение начим иным, обновишася и светло сияют святые иконы Твои. И то зряще и по достоянию воспети сия величия недоумевающе, благоговейно преклоняются и умиляются сердцем вси верные люди Твои. Сего ради и мы ныне, у Тебе единыя утешения ищуще, и благодарным сердцем дивныя дела любви Твоея свидетельствующе, аще и хладно есть в вере житие наше и пусто от разленения греховнаго сердце наше, прилежно у Тебе просити благаго пришествия Твоего подвизаемся, и в вышняя Твоя сердце подъемлюще, едиными усты и единым сердцем Тебе вопием: о Благодатная, к доброму житию по вере Христовой наш дух пробуди, — жизнь нам Родившая, от закоснения нас сохрани, о Благодатная, в надежде незыблемой Ты нас утверди, — Дево Владычице, Твоими верными вся ны соблюди, о Благодатная, сия страны дольняя Покровом Твоим осени, — о всех болезнуци, во благо устроить нашу горькую жизнь научи. О, Благодатная, помилуй нас и спаси, и пачесолнечною теплотою любви Твоея грехми умерщвленный, наш дух оживи.

Кондак 13

О, Преблагословенная Мати, пред Еяже любовью точию льна курение и самое сильное желание наше. Умилосердися на ны, Твоя многогрешныя рабы, прости и помилуй вся ны Твоею любовью молим Тя, помози, даруй избавление от отяготевших толико лет лютых зол и бед верному народу Твоему, сынами неверия порабощенному и растлеваемому. Твое избавление пошли — врачующее и наши недуги душевные, да на благое и верное житие по благому закону Сына Твоего приидем мы и да сердцем исцельшиися, и о свете веры нашея святые радующеся, сыновне из рода в род благодарною любовью и умилением воспеваем Всеблагому Отцу своему: Аллилуиа.

(Этот кондак читается трижды. Затем читается икос 1 и кондак 1)